



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

4. Quibus modis peccetur peccato hæresis.

urn:nbn:de:hbz:466:1-40916

captu, potest esse latior pertinacia aliquando. Generaliter autem id verum est, quod quoties contra Ecclesiam aliquid esse dignoscitur, & tenetur, pertinacia est. Ex his omnibus, quid hæresis sit, perspici potest. ἀρχέσι, autem Græcè, idem est, quod Latinè, electio, quasi fides ex propria voluntate hominibus. Et aduerte, quia homo ex se errat, & ex proprio defectu suo, ob id error ille ex electione dicitur, & hæresis. Quia vero veritati non credit supernaturali, nisi adiutus a Deo, qui homines eligit ad finem, iuxta illud: *Non me elegisti, sed ego elegi vos*: propterea credere, & tenere fidem, quamvis voluntarium sit, non tamen dicitur hæresis.

Quibus modis peccetur peccato hæresis.

C A P V T . IV.

A Duerendum est, tripliciter posse aliquem peccare peccato hæresis.

Primum, tantum interius, cum in corde habet aliquis errorem cum pertinacia erga materiam fidei, tamen actu aliquo exteriori non manifestauit talern interiorem errorem.

Altero modo, tantum exterius, cum aliquis in contumelias veritatem fidei, exteriori facit, vel meru, vel ira, vel aliquo alio motu oculum auctum contra fidem, ut vescicant diebus prohibitis, illudere imaginibus, concubare Sacramentum, vel verbo aliquo affirmare contraria fidem, vel nata aliquod concedere alteri contra fidem.

Tercio modo, interius, & exteriorius aliquid facit contraria, sive coram alijs, sive solus, & nullo praesente. Omnia ista sunt gravissima peccata mortalia, sed cum magna differentia. Immum, & tertium faciunt hominem verè hæreticum, quia per talia peccata amittitur fides interior. Secundum non facit hominem simpliciter hæreticum, quia verè ibi non est, qui necessarius est in hæresi; ob idque non propriè est peccatum contra fidem, sed contra fidei confessionem, nec ob tale peccatum fides interior amittitur; quamvis in foro exteriori, quidam exterioribus maxime considerat, ille homo sic peccans presumatur hæreticus, & interius etiam errare.

Altera etiam existit differentia. Primum peccatum hæresis interius tantum nulli subiaceat excommunicationi: ita Antoniu

3.p.tu

3 p. tit. c. 4. Palud. in 4. d. 13. q. 3. Sylu. excommunicatio. 9. 6. 3.
Non etenim Ecclesia, quantum ad exterius forum, intromittit se in iudicando actus solos interiores: ob id, ab habente au-
toritatem audire confessiones absolui potest, quoniam non
habet villam reseruationem.

Tertium autem peccatum, quod non solum interius, sed etiam exterius committitur contra fidem, quamvis sit occul-
tissimum, ita ut nulli hoc sit cognitum, sed soli committent, excommunicationem habet annexam latæ sententiae, & est
prima excommunicatione in Bulla Cœnæ Domini fulminata.
Vnde ipsius absolutio ad Papam spectat, vel ad Inquisidores,
qui habent a Papa facultatem absoluendi. Cum autem tale pec-
catum occultum est, debent Inquisidores in solo conscientiae
foro audire, & absoluere. Modò autem post Concilium Tridé-
tinum, iam Episcopis est talis facultas in foro interiori cōces-
sa, ipsis quidem, non autem ipsorum Vicarijs, quod profecto
sanctissime est institutum, & multos abusus auferendi causa
erit. Hoc habetur determinatum in prædicto Concilio, s. 24
c. 6. At secundum peccatum, quod tantum exterius committi-
tur, quamvis in foro exteriori reputetur pro excommunicato
quia reputatur pro hæretico etiā interius, tamen verè in foro
exteriori nullam habet excommunicationē, sicut nec primū:
potestque a Confessario quolibet absolui. Ita tenet Sylu. verb.
Apost. §. 4. & Nauar. c. 11. num. 24. Et ratio aperta est, quia exco-
municatio fulminata est contra hæreticos, at ille non est hæ-
reticus, cum fidem retineat veram, nec contra eam peccauit,
sed solum contra confessionem: nec sunt penæ iuris amplian-
da. Vnde non est audiendus Caiet. 2. 2. q. 94. art. 1. qui tenet illud
peccatum subiacere excommunicationi. Vide igitur quā-
ta sit differentia inter ista peccata. Aduerte autem circa illam
Cœnæ excommunicationem, quod non solum hæreticus est
excommunicatus, sed etiam fautores, receptores, defensores
hæreticorum, ipsorumque libros legentes, quamvis isti tales
hæretici non sint. Sunt autem ista intelligenda, vt benè dicit
Caiet. verb. excommunicatio de defensoribus, & receptoribus,
& fautoribus hæreticorum, vt hæretici sunt, id est, de tuentib.
plos, ipsa ratione, quia sunt hæretici. Vnde, si quis aliquē reci-
petet hæreticum, & domini retineret, quia infirmus erat, nō ex-
communicatur in cœna Domini, nisi alia feratur ab Inquisi-
toribus excommunicatio generalior. Vnum circa hoc est adno-
endum, dubium in fide reduci ad hæresim. Est autem dubius

in fide, qui nec credit articulis, & rebus fidei, nec discredit, sed est suspensus omnino, & hoc, quia non reputat talia esse certissima, iste talis dubius est. Sunt autem duo necessaria, ut dubium hoc faciat hominem hæreticum. Unum est, ut sit cum pertinacia, sicut in ipsa hæresi, scilicet, qui dubitat, sciat illud esse de fide, & dici ab Ecclesia. Alterum est, ut sit voluntarium dubium, quod sua sponte habet. Hoc dixerim proprios scrupulosos, qui patiuntur innumera dubia contra res fidei, sed non voluntarie, at ex dæmonum suggestione, quæ vere dubia non sunt, sed apprehensiones eorum, quæ sunt contra fidem. Hæc autem tam longè distant ab hæresi, ut si patienter propter Deum ferantur, materia sint magni, & continuu[m] mens. Sunt enim caminus ardens, in quo Deus aliquando suos filios probari permittit. Dubia autem voluntaria contrahendem sunt, & hæreses reputantur; fundantur enim in quadam iudicio & hæretico virtuali, putata, res fidei non sunt omnino certæ & infallibilis, quod quidem iudicium, error, & hæresis aperta est.

*De excommunicationibus aliorum circa
hæreticos.*

CAP V

Quartuor genera personarum innodatur aut peccato, aut excommunicatione circa negotium hæretis, quamus tales personæ non sint hæreticæ.

Primi sunt testes. Qui enim sciunt, aliquem esse hæreticum pertinacem, siue secretum, siue publicum, sub mortali peccato tenentur reuelare, & denunciare Inquisitoribus; immo non denuncians incurrit excommunicationem sepe ab Inquisitoribus impositam. Dixi tamen *pertinacem*: cum enim constat, aut probabile est, non esse pertinaciam, sed statim denunciandum, sed est semel admonendus: quia admonitionem si spernit, jam visus est pertinax, & denunciandus, de qua denunciatione differt docte Alphonse de Castro lib. de hæreticorum punitione, cap. 25. Idem credo dicendum de eo, qui facit actum contra fidem, tamen probabile est metu, vel alia passione fecisse, mentem tamen retinere fanam: talis enim non est denunciandus statim absque admonitione, in qua ipsius mens confiteretur.